



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

4419

281.69



Հ Ա Ռ

4419

Հ Ո Վ Ո Ւ Մ Ա Վ Մ

Ա Մ Ե Ն Ա Պ Ա Տ Ի Ի Գ Ե Ր Ե Ր Զ Ա Ն Ի Կ

Ա Ն Տ Ո Ն Ի Պ Ե Տ Ի Ո Ս Ի Թ .

Պ Ա Տ Ի Ը Ր Բ Ի Կ Ի Լ Ի Կ Ի Ո Յ

Ե Ի

Կ Ա Ռ Ո Ղ Ի Կ Ո Ս Ի Հ Ա Յ Ո Յ Ո Ւ Ղ Ղ Ա Փ Ա Ռ Ա Յ

Ա Ռ

Հ Ա Մ Օ Ր Է Ն Ա Ր Հ Ի Ա Պ Ա Տ Ի Ա Ր Բ Ե Պ Ի Ս Կ Ո Պ Ո Ս Ո Ւ Ն Ս

Ե Ի Ե Պ Ի Ս Կ Ո Պ Ո Ս Ո Ւ Ն Ս

Յ Ա Ր Գ Ո Յ Բ Ս Հ Ա Ն Ա Յ Ս Ե Ի Մ Ե Փ Ա Ր Ո Յ

Ժ Ո Ղ Ո Ղ Ո Ւ Բ Դ Ս

Պ Ա Տ Ի Ը Ր Բ Ո Ւ Թ Ե Ս Ն Կ Ի Լ Ի Կ Ի Ո Յ



Կ Ո Ս Ս Ա Ն Դ Ն Ո Ւ Պ Օ Լ Ի Ս

1876

281.69  
2-36

281 67

2-36



ՅԻՍՈՒՍԻ ԲՐԻՏՈՒ

Ծ Ա Ռ Ա Յ

# ԱՆՏՈՆ ՊԵՏՐՈՍ Թ.

## ՊԱՏՐԻԱՐԻ ՏԱՆԵՆ ԿԻԼԻԿԻՈՅ

### ԿԱՐՈՂԻԿՈՍ ՀԱՅՈՑ ՈՒՂՂԱՓԱՌԱՅ

#### ՀԱՍՏԱՏԵԱԼ Ի Ս. ԳՍ. ՀԷՆ ՀՌՈՎՄԱՅ

Պատուական Եղբարց Մերոց Արհ. Գեր. Արքեպիսկոպոսաց և Եպիսկոպոսաց, Յարգոյապատիւ Քահանայից և Սիրեցեալ Որդւոց Մերոց Հաւատացելոց Պատրիարքութեանս Կիլիկիոյ Ողջոյն և Աստուածային Օրհնութիւն:



Բաւական ատենէ ի վեր Պատուական Եղբարք և Սիրելի Որդեակք չի կրնալով մեր հովուական ձայնը ձեզի լսելի ընել, բազմադիմի խուռնընթաց ծանօթ անցքերէն ետեւ՝ հուսկ ուրեմն յաջողելով այս անգամ Մեր Բարեգութ Մօրը Ս. Կոյս Մարիամ Աստուածածնայ հովանաւորութեանը ներքեւ՝ դարձեալ ձեզի հետ միաբան և միասին Յիսուսի Քրիստոսի Փրկչին Մերոյ Աւրբը Ծնունդը կատարելու, Ս. Պօղոս հեթաւոսաց Առաքեալը մտքերնիս կուգայ: Սյս զարմանալի և անխոնջ Անձը՝ գրեթէ նմանօրինակ պատահարաց և փոթորկալից ալիքներու մէջ երկայն ատեն ծփելէն յետոյ՝ երբ փոքր մի անդորրութիւն գտնելով իր առեփնային թուղթը գրելու վրա էր՝ չի կրնալով այլ ևս սրտին մէջ զգացած հեղեալ զեղեալ մտիթարու թիւ:

նը ծածկել, լիարերան գոհութիւնս և փառս կը վերօ  
 առաքէր առ մարդասէր և բարերարն Աստուած,  
 իրեն վրա տարած խնամոց և պաշտպանութեան հա-  
 մար: Առաքելոյս օրինակէն շարժեալ՝ պատշաճ կը դա-  
 տինք մենք ալ Պատուական Եղբարք և Սիրեցեալ Որ-  
 դեակք, հրաւեր կարդալ ամենուդ, որ ամեն բանէ  
 առաջ՝ միաբան և միաձայն բերկրեալ սրտիւ ուրա-  
 խութեան և ցնծութեան երգերով՝ փառք, պատիւ,  
 գովութիւն և շնորհակալութիւն մատուցանենք  
 Յիսուսի՝ Քրիստոսի Փրկչին մերոյ՝ ամենուս վրա տա-  
 րած խնամոցն և պաշտպանութեանը. վասն զի  
 մարդասէր Փրկիչն մեր՝ որ սովոր է գորովալիր զի-  
 չորութեամբ ամեն ցառոց դարման, ամեն նեղու-  
 թեանց սիրովանք, և ամեն դժուարութեանց լուծումն  
 շնորհելու, նոյն ինքն այնպէս լիալիր կը մխիթարէ  
 զմեզ որ մեր այն զեղուն թաթաղուն մխիթարու-  
 թեամբը՝ զայլս ևս մխիթարելու բաւական կըլլանք:  
 «Օրհնեալ է Աստուած և Հայր Տեառն մերոյ Յի-  
 սուսի Քրիստոսի, Հայր գթութեանց և Աստուած  
 ամենայն մխիթարութեան՝ որ մխիթարէն զմեզ յամե-  
 նայն նեղութիւնս մեր առ ՚ի կարող լինելոյ մեզ  
 մխիթարել զայնոսիկ՝ որ յամենայն նեղութիւնս իցեն,  
 մխիթարութեամբն՝ որով մեք մխիթարիմք յԱստուծոյ»

Չորս տարի առաջ մեր հովուական Աթոռէն, մեր  
 Պատուական Եղբայրներէն և մեր Սիրելի Հօռէն  
 բաժնուելով զձեզ ամենքնիդ թողլու հեռանալու  
 ատեննիս, ոչ այնչափ մեզի հանդիպած դէպքերն,  
 որչափ ձեր առջկն եղած ծանր ծանր վշտերը, սաղ-  
 նապները, և դժուարութիւններն էին, որ զմեզ ա-  
 ռաւել ևս սրտում տխուր մտածութեանց մէջ կըն-  
 կըղմէին և սաստիկ կերպով մեր հայրական սիրտը կը  
 ճմէին: Մէկ կողմանէ ձեզի սպառնացուած չարեաց

ծանրութիւնը զմեզ կը տագնապէր, և միւս կող-  
 մանէ մէկըմէկ սփոփելով զիրար խորտուսելու և  
 իրարու օգնելու խափանուած ըլլանիս, ցաւօք և  
 տրտմութեամբ մեր սիրտը կը ընցունէր: Եւ ի՞նչ  
 արդեօք այսպիսի դառն և փոթորկալից տագնապ-  
 ներու, և այսպիսի խիստ և ծովածուփ այլտանջ  
 մտածութեանց մէջ կընար զմեզ սփոփել. բայց եթէ  
 ձեր ՚ի վաղուց հեռէ այլ և այլ դէպքերու մէջ ցու-  
 ցած բազմապատիկ փորձը և արժական հաստատու-  
 թեան հանդէսը, Ապահովէինք՝ որ դուք ինչպէս միշտ,  
 նոյնպէս այս անգամ ևս թէ ձեր կրօնական պարտ-  
 քերը ամենայն ճշգրութեամբ և յարատե հաստատու-  
 թեամբ ՚ի դորձ դնելու կը փութաք, և թէ մեր մե-  
 ծաղօր Տէրութեան պարտապատշաճ հպատակու-  
 թիւնը, յարգը և պատկառանքը մտադրութեամբ և  
 խղճի մտօք մատուցանելու զանցառու չէք գտնուիր.  
 և մեր այս ձեր վրա ունեցած վստահութիւնը՝ ար-  
 դեամբք և իրօք հաւատի ընելով հաստատեցիք: Ահա՛  
 Սիրելիք, այս մտածութիւններն էին որ մեր տա-  
 րաշխարհիկ բացակայութեան մէջ զմեզ կը սփոփէին  
 և կը մխիթարէին: Գովեալ և փառաւորեալ ըլլայ՝  
 ուրեմն, միշտ և հանապազ մեր գթալիր Մայրը  
 Սուրբ Աոյս Մարիամ Աստուածածինը, և իր հզօր  
 բարեխօսութիւնը և բարձր հովանաւորութիւնը, զոր  
 մեր հովուական պաշտամանն առաջին օրերէն պաշտ-  
 պան ընտրած էինք Աթոռոյս, և միանգամայն մեր  
 խնամոց յանձնուած բոլոր հաւատացելոց, յանձնելով  
 և նուիրելով ամենքնիս մէկտեղ իր բարձր և առան-  
 ձինն հովանաւորութեանը, ասոր փոխարէն ինքն ալ  
 ինչպէս հանդիպած այնչափ այլ և այլ դժուարութեանց  
 մէջ գեղեցիկ կերպով մեզ խնամարկելու զանց չէր  
 ըրած, նոյնպէս այս անգամ ևս, գտնուած այս



84860-42  
 1252-9

դառն վիճակնուս մէջ՝ ամենքնիս ալ աղէկ կերպով պաշտպանելու բանհաճեցաւ : Մասնաւորապէս՝ այս օրուան ամենուս վրէյելած այս ուրախութիւնը և ցնծութիւնը՝ անշուշտ և աներկբայ սոյն Սուրբ Մօր պաշտպանութեան արդիւնքն է :

Սակայն ասոնք յիշելով՝ դիտմունքնիս սա անցած գնացած դէպքերուն պարագայից մէջ մանեղ չէ : Այ՛ այս չէ մեր դիտմունքը : Թէպէտե և թէ ուղելու ըլլայինք նոյն դէպքերը մի առ մի բացատրել՝ կըրնայինք արդարեւ շատ մը նիւթեր մէջ բերել, որոնք ստուգիւ ձեցի պատիւ, այլոց խրատ, և ամենուս բարի օրինակ ըլլալու ապացոյցներ էին : Բայց այսչափ ժամանակէն ետե Սասունոյ ողորմութեամբը նորէն մէկզմէկ տեսնալով մտէն իր սր մխիթարելու առիթ եղող՝ այս ամենուս ուրախութեան օրը՝ ասանկ ցաւալի նիւթ մը մեր խօսքին բնաբան առնուլ՝ մեղի անյարմար կը թուի, մանաւանդ թէ Ս. Ս. ւետարանին մեղի սորվեցուցածին համեմատ՝ ասանկ անախորժ դէպքերը անյուշ մտաշուծեան մէջ թաղելով քրիստոնէական հոգւով և սուրբ սրտի ջանալու ենք որ ամենքը միութեան գան, և այն ամեն բաները որ ինչ և իցէ կերպով կրնան եղբայրսիրութեան վրասակար ըլլալ, բոլորովին մեր մտքէն հանենք, Աներկբայ ենք որ ամենքնիգ ալ փոյղ և ջանք պիտոր ընէք, որպէս զի նորէն առաջուան պէս բոլոր աղգերնիս միասիրտ և միախոհ, ճշմարիտ ու կատարեալ հաւատով պճնեալ և զեղեցկապէս յարմարեալ և պատշաճեալ տեսնենք և մխիթարուինք, և այս ճշմարտութեան Աթուոյն բոլորտիքը գումարեալ ամենքնիս միաբան արժանի ըլլանք գովելու և փառաբանելու զբարձեալն Սասուն՝ ուրախութեան և ցնծութեան երգի :

Ահա՛ Պատուական Եզրարք և Սիրելի Ժողովորդք, այն ցաւալի բաժանման առաջին օրերէն ՚ի վեր՝ մեզ մխիթարող ակնկալութիւնները և յոյսերը՝ ասոնք էին, և այս մեր մխիթարութիւնը միշտ ընդ միշտ աւելցնելու և զօրացնելու մտադիր և փոյթեռանդն ըլլալուդ համար, եթէ մեր առանձինն գոհութիւնը և շնորհակալութիւնը ամենուդ յայտնելու զանցառութիւն ընենք, թէ ձեզի ունեցած երախտագիտութեան պարտքերնուս, և թէ մեր անձին պատկանեալ պարտաւորութեանց՝ պակասութիւն ըրած կըլլանք : Ի մասնաւորի մեզի պարտք և նաև պատիւ կը համարինք յայտնելու հասարակաց առջևը մեր ուրախութիւնը, գոհութիւնը և հաճութիւնը՝ որ այնչափ դժուարութեանց մէջ, Մեր Պատուական Եզրարք՝ Ս. Բ. Ս. Ս. քրքիսկոպոսաց և Եպիսկոպոսաց մեծաշան փութովը և արթուն հսկողութեամբը, և Մեր կողմանէ հոս փոխանորդ կարգաւ Մեծարդոյ Անձին աչալուրջ խոհականութեամբը և անխնջ աշխատութեամբը՝ Եկեղեցական և Աշխարհական՝ ամենքնիգ ալ սիրով և միաբանութեամբ ամեն առիթ անբաժան և անմեկին մնալով երբէք չպակասեցաք Ս. Եկեղեցոյ կանոնաց և կարգաւորութեանց համեմատ իրենց օժանդակ և ձեռնտու ըլլալու, և այս ձեր անարժան հովուին ամեն ատեն և ամեն պարագայի մէջ փոյթ տարիք ցուցնելու ձեր անկեղծ սէրը, սերտ յարումը և անյեղչի հաւատարմութիւնը : Այսչափ ժամանակէ ՚ի վեր հետզհետէ հանդիպած դէպքերուն մէջ, հաւատարիմ և հաստատուն մնալով ՚ի հաւատս՝ ամենուն ներքողը և գովեստը ձեր վրայ հրաւիրեցիք, և մեր գոհութիւնը և հաճութիւնը կրկնապատկելով՝ ձեր վրայ

ունեցած համարմունքնիս և վստահութիւննիս առաւել  
 ևս հաստատեցիք : Նա մանաւանդ ձեր այս գեղեցիկ  
 վարմունքը և բարի օրինակը շարժառիթ եղաւ նոյն իսկ  
 մեր միութեան մէջ չ'դտնուող եղբայրներէն շատե-  
 րուն , որոնք մաքուկային նկատմունքները մէկգի-  
 ընելով , և իրենց անկեղծ հնազանդութիւնը և որ-  
 դիական հպատակութիւնը մատուցանելով Ս . Եկե-  
 ղեցւոյ՝ մեր ամենուն սփոփանայ և մխիթարութեան  
 առիթ եղած են :

Միանգամայն ձեր մխիթարութեան առաւելու-  
 թեանը համար այս ևս կուզենք յիշեցնել որ ձեր այս  
 ընթացքին և վարմունքին համար , բոլոր հաւատացելոց  
 հասարակաց Հօր Սրբազան Քահանայապետին Հայրա-  
 կան սէրը և գոհութիւնը առաւել ևս հաստատեցիք և  
 մասնաւոր կերպով ձեր վրա հրաւիրեցիք Անոր Սուրբե-  
 լական Օրհնութիւնը : Ինչպէս Նորին Սրբութեան հը-  
 րահանգացը և Ս . Եկեղեցւոյ կարգաւորութեանցը ա-  
 մենայն ջանիւ և անկեղծ հաւատով և վստահութեամբ  
 համաձայնելու և հետևելու փոյթ տարիք , նոյնպէս և  
 մեր խնամատարն եղող Օսմանեան Բարձրագոյն Տէրու-  
 թեան հպատակութեան օրինաւոր պարտքերնիս հաւա-  
 տարմութեամբ ի գործ դնելով , Սուրբարանական հրա-  
 մանին համեմատ « Աստուծոյն Աստուծոյ և կայսերն  
 կա, սեր » տալու հոգ տարիք : Ասոնց ամենուն աշ-  
 խարհ համօրէն հանդիսատես ըլլալով , իրենց հիւ-  
 ցումը և մեծարանքը զանազան առիթներու մէջ  
 յայտնի ըրին , և ոչ այսչափ միայն այլև ձեր այս  
 ընթացքին և վարմունքին համար Մեծազօր Տէ-  
 րութեան դրուատիքն իսկ քանի քանի անգամ լսե-  
 լու յաջողեցաք : Ի մասնաւորի մեր Մեծափառ և  
 Մեծազօր Ինքնակալը իր հաւատարիմ հպատակաց  
 նկատմամբ ունեցած բարի դիտմանցն համեմատ՝

ձեր անկեղծ հաւատարմութենէն և իր ընդարդս  
 բարուցը սեպհական եղող արդարասիրութենէն և  
 արքունական գթութենէ շարժեալ Մեր Աթոռը դառ-  
 նալնուս շնորհիւր առիթ տուաւ բերկրեալ սրտիւ ձեր  
 երախտագէտ զգացմանց հաւաստիքը իրեն նուիրե-  
 լու : Աւստի և Պօղոս Սուրբելոյն պատուիրանին հա-  
 մեմատ ամեն բան մեր բարւոյն համար սահմանող , և  
 աշխարհքիս թշուառութեանց և դժուարութեանց մէջ  
 մեղի զօրութիւն և օգնութիւն պարգևող բարերարն և  
 մարդասէչն Աստուծոյ կրկնենք մեր շնորհակալութիւ-  
 նը , և աղերս մատուցանենք իրեն որ մեր Մեծազօր  
 Ինքնակալին և Բարեփառ Տիրոջը յաւերժական կեանք  
 և երջանիկ օրեր պարգևէ , և ամեն ծանրակշիռ գոր-  
 ծոց մէջ մշտնջենաւորին Աստուծոյ օգնութեան ըն-  
 թացակցութեամբն յաջողի Տէրութեան բոլոր կառավա-  
 րութիւնը զուարթամիտ առաջ տանելու : Եւ Բարձրա-  
 պատիւ Նախարարաց փութաջան ձեռնտուութեամբը  
 իր ձեռաց ներքև գանուող հպատակաց բարօրութեանը  
 և բարեկարգութեանը համար ունեցած բարի բարի  
 դիտմունքները կարող ըլլայ դիւրութեամբ և յաջո-  
 ղութեամբ ի գործ դնել , որպէս զի ամեն կարգի հը-  
 պտակք՝ Վեհափառ Ինքնակալին արքունական ալ դա-  
 րասէր շքովը վայելելու արժանացած շնորհքներուն  
 յարգը և արժէքը ճանչնալով երախտագիտութեամբ  
 և հաւատարմութեամբ իր Վեհափառութեան գոհու-  
 թեանը և հաճութեանը առիթ ըլլան :

Սակայն կայ մէկ ուրիշ Նուիրական Անձ մնալ  
 որուն մեր երախտագիտութիւնը և շնորհակալութիւ-  
 նը յայտնել և իր կենաց և բարեյաջողութեանցը համար  
 աղօթք ու աղաչանք մատուցանել մեր պարտքն է Վոսս-  
 քերնիս՝ ամենուս յարգանացը արժանի , Պետրոս Սուր-  
 բելոյն Յաջորդ , Յիսուսի Քրիստոսի երկրիս վրա Փո-



խանութիւն , ամեն հաւատացելոց հասարակաց Հօր Սրբազան Աստուծոյ վրայ ըլլալը՝ անշուշտ իմացաք : Ս . Եկեղեցւոյ Պերագոյն Աշուխը իր լի վշտօք Քահանայապետութեան այս երկարատե ժամանակին մէջ անօրինակ մէկ ջանքով մը , և աննման արիութեամբ կառավարած հաւատացելոց ամեն կողմ կրած այնչափ վըշտերուն և տառապանքներուն մէջ , ինքը զինքը բոլոր անոնց բարւոյն նուիրած՝ ամենուն միանգամայն և ամեն մէկին առանձինն առանձինն կրած այսչափ նեղութեանց ցաւը իր հայրական սրտին մէջ կրելու ստիպուած , այս Աստուծոյ մարդն է որ թէպէտ իր կենաց ՑՅ տարին անցուցած հասուն հասակի մէջ կը գտնուի , և այսչափ մտատանջութեանց և չարակրօնութեանց մէջ կը տառապի , այսու ամենայնիւ դարձեալ միշտ առօրէ և ժիր , միշտ արթուն և զուարթուն ամեն վարմանց մէջ զուարթ և անդորր . աշխարհքիս ամեն կողմը տարածեալ համօրէն հաւատացելոց հոգևորական տեսչութեան վերաբերեալ գործոց մէջ ծագած ամեն մէկ դժուարութեանց և անոնց ամեն մէկ պատճառացը և պարագայիցը լիով կը տեղահանայ , իւրաքանչիւր գործոց գլուխը գտնուող պաշտօնէից ծանօթութիւնները և կարծիքները լսելով և քննելով ամեն բան ինչպէս որ պէտք է ճշդելէն և ստուգելէն ետև ամեն բան կորոշէ ամեն բան կը կարգադրէ և ամեն դժուարութիւնները լուծելով վճիռը կուտայ , շարունակ ասանկ ծանր աշխատութեանց մէջ իր կեանքը զոհ ըրած է : Թէ որ Աստուծոյ առանձին կերպով իր փոխանորդին օգնականութիւն և ձեռնառութիւն ընելը ստոյգ չըլլար , անշուշտ այնպիսի իմաստութեամբ և Յիսուսի Քրիստոսի իր Ս . Եկեղեցւոյն համար դրած Աստուածային կամադրութեանցը համեմատ՝ զայն կառավարելը մարդկային հանձա-

րնով չէր կրնար ըլլալ , և ոչ իսկ հնարաւոր էր այսչափ երկայն ժամանակ ասանկ ծանր բեռներու դիմանալ : Ուստի ամենքնիս միանգամայն շնորհակալ ըլլանք Աստուծոյ բարերար խնամոցը որ ասանկ դժուարին ժամանակի մէջ իր Եկեղեցին քաջալերելու և մխիթարելու համար այս Նուիրական Մնձր իրեն Փոխանորդ կարգել հաճեցաւ , շարունակենք ուրեմն մեր աղօթքը և աղաչանքը առ Աստուած , որպէս զի երկայն և երջանիկ կեանք պարգևէ իրեն :

Այս համառօտ ցուցակութեամբս ամենուս մխիթարութեան առիթները , և շնորհակալութեան պարտքերը յայտնելէ ետև՝ խօսքիս վերջ տալու էի : Սակայն ատեն ատեն լոսձ ըլլալով որ կան անանկներ , որոնք ինչպէս կը կարծենք , Աստուծոյ բարձրագոյն տեսչութեան կարգադրութիւններուն աղէկ մը տեղեկութիւն չունենալով իրենց բարի և ուղիղ ընթացքին հակառակ՝ դժուարութեանց մէջ իյնալու ըլլան կը տաղուկան և կը ձանձրանան . ասոնք ալ մխիթարութենէ զուրկ չի թողուլը մեր հովուական պարտքերէն ըլլալով , հարկ կը համարինք առաջիկայիս այս մեր պարտքն ալ վճարել :

Երկնից և երկրի Տիրոջ Աստուծոյ ամեն պատուիրանքները մենք ՚ի գործ դնելէն ետև , փոխանակ ուրիշներէն աւելի օգնութիւն գտնելով , բարեբաղդ և հանդիստ կեանք վարելու , ինչպէս կըլլայ որ ասանկ երեսէ ձգուած և ասանկ ձախող փոխարէն մը ընդունելու կը պարտաւորինք՝ կ'ըսեն . որով հետևեցնել կուզեն թէ մեր գործոց մէջ Աստուծոյ Նախախնամութեան հետքն անգամ չիկայ :

Բարեբաղդաբար ասանկ մտածողներուն և խօսողներուն թիւը սակաւ է , որոնք փոխանակ Աստուծոյ Նախախնամութեան յաւիտենական կարգաւորութեանց

մտադիր ըլլալու՝ աւելի իրենց մարդկային մտա-  
 ծովութիւններէն կը շարժին : Ուստի այսպիսի տկարամիտ  
 անձանց սիրտ տալու համար խօսքերնիս քիչ մընալ  
 առաջ տանելով այս նիւթին հանդամանքը խորհր-  
 դածութեան առնունք : Ասանկ եղբայրական սիրոյ  
 դործք մը կատարած ատեննիս՝ կրնանք միանդամայն  
 մեր հրահանգութեան համար օգտակար խրատներ  
 հանել :

Աշխարհքիս Արարիչը և Տէրը ամեն բան վախճանի  
 մը և բարձր ու իրեն արժանի վախճանի մը կարգած  
 և սահմանած է : Ամենակարողն Աստուած , մարդիկ-  
 ները իր փառացը համար ստեղծելով մշտնջենաւոր  
 մէկ երջանկութեան մը որոշեր է զանոնք . բայց  
 կուզէ որ այս երկրիս վրա՝ պանդխտութեան համա-  
 ոտ սահմանին մէջ , այն երջանկութեան արժանաւոր  
 հանդիսանան : Եւ այս վախճանին հասնելու համար՝  
 կարգեր կանոններ դնելով կուզէ որ մարդս իր յաւի-  
 տենական կենաց վտանգէն զգուշանալով նոյն դրուած  
 կարգերուն հպատակ դանուի : Մարդը իր սովորական  
 անհոգութեամբը վրան դրուած հրամաններուն և կար-  
 գերուն ճամբէն կը խոտորի : Աստուած անոր վրա  
 դիտարկ գործեալ զինքն ուղղութեան բերելու կը  
 զիջանի : Սակայն ի՞նչ միջոցներով և ի՞նչ ճամբաներով :  
 Անշուշտ իր Աստուածային իմաստութեան համեմատ  
 միջոցներով և ճամբաներով : Ուստի և երբեմն մեզ  
 կառավարելու համար ձեռք առած կերպը , խիստ  
 կը թուի մեզի , և մեր պակասութիւններէն զմեզ մաք-  
 րելու համար գործածած փորձերը ծանր կերեւնայ :  
 Քանի՛ քանի անգամ մարդը յանցանք կը գործէ ,  
 Աստուած ալ այն գործած յանցանացը պատճառաւ  
 ծանր կամ թեթեւ մէկ գժբաղդութեամբ մը զինքը  
 կը յանդիմանէ , և զանիկա այս կողմանէ յանդիմա-

նելու և պատժելու ատեն , միւսնոյն ժամանակ կը  
 բարեհաճի զինքը խրատելու , որ արթննայ իւր ան-  
 հոգութեամբը ընկղմած թմրութենէն :

Աշխարհքիս վրայ այս պատժոց արժանացող և ա-  
 սոնց տակ ընկնողները , միայն ծանր մեղաց տէր եղ-  
 ղողները չեն , այլ նաև բարի և ուղղութեան տէր  
 եղող անձինքները ևս իրենց առաքինի գնացիցը մէջ  
 երբեմն պակասաւոր գտնուելով կը յանդիմանուին :  
 Սողոմոն Իմաստունը կըսէ որ « Արդարն եօթն անգամ  
 յուռն անկանի » ( Ս.աւկ . իա . 18 . ) . ըսել է թէ  
 բարի մարդն ալ երբեմն պակասութեան մէջ կը զբա-  
 նուի : Ասոր հակառակ շատ չար մարդիկ իրենց այն-  
 չափ չարագործութեանց մէջ երբեմն նաև բարեգոր-  
 ծութիւն մը կը ցուցնեն : Եւ ինչպէս որ ասոնք այն  
 իրենց մասնաւոր բարեգործութեանցը համար երբեմն  
 դիւրութիւններ ստանալու արժանի կըլլան , նոյնպէս  
 միւս բարի և ուղղութեան տէր անձինքն ևս՝ իրենց ու-  
 նեցած այն մասնաւոր թերութեանց պատիժը քաշելու  
 են : Երբոր մեր գործած բարեգործութիւնները քիչ  
 և փոքր՝ իսկ թերութիւնները շատ ու մեծ ըլլալով ,  
 այս աշխարհքիս մէջ յաջողութիւն և բարօրութիւն  
 ունենանք և բնաւ ճախորդութիւն և թշուառու-  
 թիւն չի կրենք , ստոյգ զխնայու ենք որ այս ան-  
 ցաւոր յաջողութեանց և բարօրութեանց միջոցաւ մեր  
 գործած այն մասնաւոր բարեգործութիւններուն բոլոր  
 փոխարէնը հոս ընդունած ըլլալով՝ այլ անոնց համար  
 հանդերձեալ կենաց մէջ ընդունելու հատուցում չի  
 մնար մեզի համար : Կամ մեծ առաքինութիւններ և  
 շատ բարեգործութիւններ ըրած ըլլալով , եթէ ու-  
 նեցած սակաւթիւ պակասութիւններնուս այս կենաց  
 մէջ կատարեալ հատուցում ըրած չըլլանք , մնացած  
 պատիժները հանդերձեալ կենաց մէջ պիտոր կրենք :

Ասոր հակառակ առաքինութիւննիս մեծ և պահասութիւննիս փոքր ըլլալով ինչ ինչ դժբաղդութեանց հանդիպինք և մեր պակասութեանց բժերը այս երկրիս վրա սրբելու ըլլանք, մեր առաքինութեանց հատուցմունքը զուտ և կատարեալ կառնունք հանդերձեալ կենաց մէջ: Նմանապէս չարագործութիւն ընող մարդը, իր սակաւ բարեգործութեանց փոխարէն երբեմն ինչ ինչ յաջողութեանց հանդիպիլը տեսնելով, եթէ իր ծանր մեղքերը հոս սրբելու անհոգ գտնուի, անոնց արժանաւոր պատիժը հանդերձեալ կենաց մէջ կրելու պիտոր հարկադրուի: Աստի պակասաւոր ընթացք ունեցող անձին գործոց յաջողութիւնը երբոր տեսնելու ըլլանք՝ զանիկա չէ թէ երջանիկ, այլ խեղճ և ողորմելի համարելու ենք. նա մանաւանդ պէտք է կարեկցինք իրեն որ արժանացած պատժոց ամենն ալ մահուանէն ետքը կրելու պահած է: Իսկ երբոր արդարութենէ չի հեռացող անձին դժուարին և խիստ փորձերու մէջ գրուիլը տեսնենք, անոր վիճակին նախանձելու և զինքը մխիթարելով իր բարի օրինակին համաձայն մեր կեանքը յարմարելու ենք. ինչու որ ասանկ անձինքները այս երկրիս վրա իրենց պակասութիւններէն մաքրուելով՝ ճշմարտութեան և ուղղութեան համար համբերողներուն և չարչարողներուն պատրաստուած այն գեղեցիկ հատուցմանը արժանի կըլլան:

Աստուծոյ նախախնամութեան այս մեծ նպատակին զձեզ աւելի ևս համոզելու համար, քիչ մնալ բաց խօսինք: Երկբայութիւն չիկայ որ մարդիկներէն ոմանք միայն այս երկրիս վրա կը պատժուին, ոմանք այս երկրիս վրա բան մը չի կրելով հանդերձեալ կենաց մէջ կը պատժուին, ոմանք ալ թէ այս երկրիս վրա և թէ հանդերձեալ կենաց մէջ պատիժ կըկրեն. Աստուծոյ անտե-

սութեան մէջ այս երեք դասէն դուրս ուրիշ կարգ չիկայ: Անհնար և Աստուծոյ Նախախնամութեան տնտեսութենէն դուրս է որ մարդ մը թէ այս աշխարհքիս վրա երջանիկ ըլլայ, այսինքն՝ բնաւ վիշտ մը չի կրելով հանդիստ ըլլայ, և թէ վերջը հանդերձեալ կենաց մէջ ալ երջանիկութիւն գտնէ. Պօղոս Առաքեալը այն այրի կնոջ համար « գիրգ այրին կենդանոյն մեռեալ է » (Ս. Տիմ. ե. 6) ըսելովը՝ ասիկա իմացնել կուզէ: Ըստ այսմ յայտնի է թէ այս երեք ասակ անձինքներէն ո՛րուն երջանիկ ըսել պէտք է, անշուշտ անոնց երջանիկ ըսելու է որանք այս երկրիս վրա իրենց մեղքերէն կը սրբուին, և ասոնց մէջ աւելի նեղութիւն կրողները առաւել ևս պիտոր բերկրին յաւիտենական զուարճութեանց մէջ միշտ և հանապաղ: Թէ այս երկրիս վրա և թէ հանդերձեալ կենաց մէջ նեղութիւն կրողներուն դալով, ասոնց երկրիս վրա կրած վիշտերը նեղութիւնները իրենց պակասութեանց համեմատ կրելու արժանացած պատժոց հաւասար չըլլան ևս, այսու ամենայնիւ նոյն պակասութեանց համար հանդերձեալ կենաց մէջ կրելիք ժամանակաւոր պատժոց չափը կը նուազեցնեն. միայն թէ այսու տարբերութեամբ՝ որ թէ և հանդերձեալ կենաց մէջ իրենց կրելիք տանջանաց վերջանալուն յոյս ունին, սակայն՝ անոնք հոս գըտնուած տանջանքներուն բոլորովին աննրման և անոնցմէ անհամեմատ ստատիկ են: Եթէ երկրիս վրա երկու արդար անձանց՝ մէկը աւելի և միւսը սակաւ վիշտ կրէ, այն աւելի կրողը՝ առաւել ևս բարեբաղդ համարուելու է: Իսկ այն անձը՝ որ երկրիս վրա կամ ամենեւին վիշտ չիկրելով և կամ սակաւ վիշտ կրելով իր կեանքը յաջողութեամբ և զուարճութեանց մէջ կանցնէ, և հոգ չի տանիր իր ծանր ծանր մեղ-

քերը հոս քաւելու, նոյն մեղքերուն պատիժը՝ յաւիտեանական տանջանքներով պիտոր կրէ հանդերձեալ կենաց մէջ, ուր անոնց՝ ո՛չ թեթեւալուսն և ոչ վերջանալուն հնարք կոյ, և ո՛չ ինչ և իցէ կերպով՝ սփոփանաց առիթ մը :

Ուստի և այս կենաց մէջ՝ թէ որ մեղք դորձելով անպատիժ մնացողները թշուառ են, ասանկները միանգամայն բարեբաղդ ևս գտնուելու ըլլան՝ արդարեւ թշուառագոյն համարելի են. վասն զի ինչպէս որ այս աշխարհքիս վրա մեղաւորաց բնաւ պատիժ չի կրելը իրենց յաւիտեանական տանջանքները կը ծանրացնէ, նոյնպէս՝ անոնց հանգստութիւնը և զուարթութիւնը՝ առաւել ևս սաստիկ տանջանքներ պատրաստելու պատճառ կըլլայ. և եթէ կերպ կերպ յաջողութեանց հասնելով՝ Աստուծոյ բարիքները վայելած ատենին՝ դարձեալ իրենց չար գործքերուն մէջ յարատեւելու ըլլան, պատրաստուած կրակը և տանջանքները անհամեմատ կերպով կաւելցնեն և կըսաստկայնեն :

Դնենք որ Աստուած մեր թերութեանց ուղղութեանը համար վրանիս դժարով կեանքերնիս երկնցնէ, և մենք՝ անկէ օգուտ քաղելու տեղ՝ առաւել ևս պատժոց արժանանանք, ձեզի կը թողումք դատելը թէ՛ որչափ արդեօք մեծ և սաստիկ ըլլալու է մեր կրելու պատժոց չափը, թէ որ Աստուած՝ այս իր բարութեանը վրա նաև շատ մը պատիւներ և մեծ մեծ յաջողութիւններ առատաձեւութեամբ մեզի : Ուստի եթէ այնպիսի անձանց՝ գործած բազմապատիկ մեղքերուն հակառակ պատուոյ և յարգանաց արժանանալը, և թեթեւ գոյքազուրկեան մը անգամ չի հանդիպելով՝ յաջողութեամբ առաջ երթալը տեսնելու ըլլանք՝ մեղքերնուն համեմատ այս կենաց մէջ պատիժ չի կրել :

նուն համար՝ իրենց վրա ողբալու ենք :

Օրինակի համար՝ եթէ տեսնելու ըլլանք, որ ծանր հիւանդ մը՝ իր հիւանդութեան երկընդայուն վրա բուրրովին անհոգ գտնուելով՝ ուտելու, խմելու և զբօսանաց ետևէ կըլլայ, անտարակոյս անոր վայելած զբօսանացն և զուարճութեանցը չի նախանձելէն զատ՝ գտնուած խեղճ վիճակին վրա կարեկից ևս կըլլանք : Ասանկ ալ հոգևոր նիւթոց մէջ տեսնելու ըլլանք որ մեղաւոր մը առանց ձախորդութեան մը հանդիպելու՝ նորանոր յաջողութեանց ու բաղդի կը հասնի և անհոգութեամբ կեանքը կանցնէ, անշուշտ անոր վրա կարեկցելու ենք. ինչու որ վերը յիշուած հիւանդին պէս, գտնուած վտանգաւոր վիճակին ծանրութիւնը չըմբռներ, և նորանոր թերութեամբք իր հոգևոյն հիւանդութիւնը սաստկացնելով՝ ցանց յոռիէն դէպ յուեգոյն կը դիմէ :

Կալու բանը չէ թէ պատիժը այլ անոր պատճառ եղող մեղքն է, վասն զի մեղքն է որ զմեզ Աստուծոյմէ կըբաժնէ և կը հեռացնէ. իսկ պատիժը Աստուծոյ ցասումը ամոքելով զմեզ անոր կը մօտեցնէ : Պօղոս Առաքելոյն վճիռն է, որ կըսէ՝ « Եթէ դատիմք, ի Տեսունէ խրատիմք, զի մի ընդ աշխարհի դատապարտեսցուք » (Ս. Կորնթ. Ժա. 32). Ըսել է որ Աստուած զմեզ այս աշխարհքիս վրա եթէ յանդիմանելու ըլլայ, աշխարհքին հետ չի կորսուելու համար կուտայ այն խրատը : Ասկէց սա եղրակացութիւնը կելլէ որ, այս կենաց մէջ առնուած յանդիմանութիւնը և երկրիս վրա կրուած վշտերը, նեղութիւնները, ցաւերը և անձկութիւնները՝ հանդերձեալ կենաց տանջանքներէն զմեզ կը փրկեն : Եւ ահա այսպիսի յանցաւորաց համար ըսած է նոյն Ս. Առաքեալը « մասնել զայնպիսին սատանայի ՚ի սատակումն մարմնոյ, զի ոգին ապրեսցի

յօրն Տեառն մերոյ Յիսուսի Քրիստոսի » ( Ս . Կորն . Ե . 3 . ) : Այս ամեն բանը , և մեր թերութիւններէն որբուելու և արդարանալու համար գրուած պատիժները , հաւաստի կրնեն Աստուծոյ մեր վրա ունեցած դութն և խնամքը : Իրօք պատիժները բնականապէս վիշտ և դառնութիւն կը պատճառեն , սակայն մարդուն հօգին Աստուծոյ շնորհաց օգնութեամբը անոնց աղբեցութեանը կը յաղթէ . ասոր համար ըսեր է դարձեալ Պօղոս Առաքեալը թէ՛ ով որ կուզէ՛ ինչպէս որ պէտք է՝ Յիսուսի Քրիստոսի հետ ապրիլ՝ թող հալածանք քաշէ :

Այս ևս մտածելու ենք , որ երբ մարդիկ չի կրնան զմեզ հալածել , սատանան կերպ կերպ փորձութիւններով մեզի դէմ պատերազմ կը բանայ . մեր կեանքը՝ երկրիս վրա պատերազմ մըն է՝ ըսեր է Սողոմոն իր իմաստութեան գրքին մէջ . թէ որ այս պատերազմին մէջ յաղթող հանդիսանալ կուզենք , հանդարտ և հանդիսա կենալիս անդէպ և անպատեհ է : Աշխարհքիս վրա կարճատեւ նեղութեանց համբերելով , ետքը արքայութեան մէջ յաւիտենական փոխարինաց արժանի կըլլանք : Հոս կարճ ժամանակ որչափ դժբաղդութիւն հանդիպելու ըլլայ , որչափ մտքէ չանցած դէպքեր պատահին , որչափ անձկութիւններ ծագին , այսու ամենայնիւ անոնց դէմ չի գանդատելով և անոնց վրա չի դժկամակելով , մեր օգտին համար մեզի դարնող աջը շնորհակալութեամբ համբուրելու , և զանոնք զրկողին խոնարհութեամբ երկրպագութիւն մատուցանելու համար՝ արիութիւն և հաստատութիւն հարկաւոր է՝ որ ակամայ կրելիք շարիքները , յօժարութեամբ և համբերութեամբ կրելով անոնց համար պատրաստուած փոխարէնը չի կորսնցընենք : Եթէ անհամբերութիւն ընենք , եթէ արտըն-

ջանք և ամոհոհինք , կը թեթեւնան արդեօք մեր նեղութիւնները և չարչարանքը . ո՛չ բնաւ . նա մանաւանդ առանկով աւելի ևս կը ծանրացնենք և կը սասակացընենք մեր պատիժները : Իսկ եթէ համբերութեամբ և անտրտունջ կրելու ըլլանք՝ Աստուծոյ ցասումը կը մեղմացնենք , պարտքերնիս կը վճարենք և թողութեան արժանի կըլլանք : Պանդատը և տրտունջը՝ չէ թէ նեղութեանց սասակութենէն՝ այլ դիպաւորաբար յօժարութեան պակասութենէն առաջ կուգայ . վասն զի եթէ մենք յօժարութիւն ունենանք , Աստուծոյ աննիաղ օգնութիւնը մեզի ոյժ և օգնութիւն կուտայ :

Աստուծոյ նախախնամութեան մէկ խորհուրդն է՝ որ ամեն մարդիկ այս աշխարհքիս վրա չեն պատժուիր . այլ ոմանք հոս և ոմանք հանդերձեալ կենաց մէջ : Եթէ բոլոր յանցաւորները այս աշխարհքիս վրա պատժուելու ըլլային , մէկ մեղքով մը միայն յանցաւոր դատուելու տեսննիս , ամենքս ալ կորսուելու էինք : Իսկ եթէ բնաւ և ոչ մէկը այս աշխարհքիս վրա պատժուելու ըլլար , շատերը յանդգնելով և ապշատամբելով՝ Աստուծոյ Նախախնամութիւնն իսկ ուրանալու կելէին : Չենք կարծեր որ դուք այն մտքին տէր ըլլաք , թէ բնաւ պատիժ կրելու պատճառ մը չունիք , և չէ թէ միայն մեղքէն , այլ մեղաց բժեւրէն և մնացորդներէն ևս զերծ էք : Եթէ ասանկ անմեղութեան վիճակի մէջ արդեամբ և իրօք դանուէիք , մեր խնդակցութիւնը կը մատուցանէինք ձեզի : Սակայն՝ նոյն իսկ այս անմեղութեան վիճակնուդ մէջ՝ Աստուծոյ Նախախնամութեան կարգադրութեանցը համաձայնելու և միշտ թշնամոյն փորձութեանցը դէմ զինուորեալ և ամրացեալ դատուելու համար , կը յորդորէինք՝ որ նեղութիւն կրել յանձն առնուիք : Բայց քանի որ ամեն



պակասութենէ աշտո և ամեն բան ինչպէս որ պէտք է՝ ի գործ դրած ըլլալու մարդկային տկարութիւնը չի կրնար զմեզ այնպէս դիւրաւ համոզել. ուրեմն մեր ախտերուն բժշկութիւն, մեր ցաւերուն դարման, մեր հիւանդութեանցը առողջութիւն զանեւ լու, և ամեն թերութենէ և արատէ սրբուելու և մաքրուելու համար, պէտք է՝ որ նեղութիւն և չարչարանք կրելու պատրաստ գանուելով, յանձնենք զմեզ Աստուծոյ Նախախնամութեան կարգադրութեանցը:

Արդ՝ ամփոփենք մեր առաջարկութիւնը: Մինչև հիմա ըրած մեր պատճառաբանութենէն այս հետևութիւնը հանելու ենք, որ երբ նեղութիւն կամ դժբաղդութիւն մը պատահի՝ ճանչնանք մեր օգտին համար մեզի զարնող Աստուծոյ աջը. և երբ ուրիշները շքեղ բաղդի հասած տեսնենք՝ ոչ միայն չի նախանջինք, այլ նաև կարեկից ըլլանք անոնց գանուած վիճակին վրա. ինչու որ իրենց մեղաց ծանրութեան ներքև ճնշուած՝ իբր ի բազումս պարտական կը մնան Աստուծոյ արդարութեանը: Պէտք է համոզուինք որ թէ բարեբաղդութիւն և թէ չարաբաղդութիւն թէպէտ այլ և այլ կերպով առաջ կուգան, սակայն և այնպէս՝ ամեն բան մեր բարւոյն համար կարգող Աստուծային նախախնամութեան արդիւնքն են: Եւ Աստուծոյ այս սքանչելի գործոց հաւաստիքները դուք ևս քանի՛ քանի անգամ ձեր աչօքը տեսեր և վայելեր էք: Միթէ այս վշտակրութեանց և տառապանաց շահաւէտ ազգեցութիւնն և յատկութիւնը չէ՞: որով կրօնական զգացմանց մէջ թոյլ և յոյլ անձինք՝ յայանի կերպով ոյժ և զօրութիւն ստացեր են, Աստուծապաշտութեան մէջ գաղջերը՝ հոգևորական կենաց շերտ եռանդը ձեռք բերեր են, և հաւատոյ սկզբանց մէջ անտարբերք՝ ուղիղ դաւանութեամբ

հաստատուեր են: Ոչ ապաքէն դուք իսկ անձամբ անձին տար փորձը առիք, անանկ որ՝ մինչդեռ կը կարծէիք թէ Աստուծոյ նախախնամութիւնը ձեզ երեսէ ձգած է, անիկա նոյն ատեն աւելի ևս ձեզի կ'օգնէր և զձեզ կը պաշտպանէր: Ասոր հակառակ՝ չարագործ անձը ինքը զինքը բարեբաղդութեան ծագը հասած համարելու ատեն, փոխանակ խորհելու որ Աստուծոյ նախախնամութեան երեսէն ինկնալու վտանգի մէջ է, կամ այն է որ չի հաւատար թէ մարդկային գործոց տեսուչ Աստուած մը կայ, և աշխարհքիս ամեն զաղանկաց հսկող բարձր մէկ արդարութիւն մը կը գտնուի. և կամ այն է որ հաւատալ և միտք բերել չուզելով՝ եկած հասած վտանգին վրա բնաւ հոգ չի տանիր:

Նորոգեցէք ուրեմն ձեր կրօնական զգացմունքները. ժամանակաւոր թշուառութիւնները արդար անձին քաջարտութիւնը պէտք չէ որ լքուցանեն, վասն զի անանկները ապագային վրա հաստատ յոյս ունենալով՝ որ և իցէ թշուառութեան մէջ՝ միշտ ուրախ և զուարթ կը դիմելուին, և հանապաղ մխիթարեալ՝ մանաւանդ թէ՛ այն ամեն մէկ թշուառութենէն և վշտերէն՝ մէկ մէկ շքեղ պսակ շինելու ջանք կընեն: Արահամ նահապետին օրինակը մտքերնիդ բերէք. ասիկա ինքզինքը Աստուծոյ նախախնամութեան կարգաւորութեանցը յանձնելով՝ մէկ հատիկ զուակը՝ Խաահա կը՝ Աստուծոյ հրամանին համեմատ՝ իր ձեռքովը զոհ մատուցանելու պատրաստ գանուեցաւ: Այս դէպքը մեզի համար մէկ մեծ խրատ մընէ, որ կը սորվեցնէ ամէն արարածներէն՝ ամեն աշխարհային բաներէն, մեր բոլոր գործքերէն և բոլոր անձէն՝ շատ աւելի վեր յարդ և պատիւ ընծայել Աստուծոյ հրամանին և կարգադրութեանցը: Տեսնելով՝ որ այն ծերունին կատաղաբար յանձնարարութեամբ հպատակելով Աստուծոյ

հրամանին՝ սքանչելի արիութեամբ կը զրկէ զինքը իր ամենասիրելի և ազնուական ստացուածքէն, իր պատուական և անգին դոհարէն, որ է իր մէկ հասիկ որդին, և մենք դարձեալ սկսինք մեր թշուառութեանցը վրա գանգատելու, որ անոր կրածին առջև շատ թեթև բաներ են, ինչ ջատագովութիւն պիտոր կրնանք արդեօք մէջ բերել: Մտքերնիդ բերէք նաև Յովբ երանելի արդարը, որուն համբերութիւնն ալ առաջնոյն նման զարմանաց արժանի է. դիտաւորապէս յայսմ մասին՝ որ այնչափ առաքինութիւններ գործած, և աղքատներուն օգտին համար առատ նպատակներ բաշխած, խղճին դպչելիք բնապակասութիւն մը չունենալով, երբ ինք զինք այնչափ թշուառութեանց և զրկմանց մէջ ընկած տեսաւ, որ աշխարհքիս ամենէն վատթար մարդուն անգամ չէր հանդիպած. ոչ սրտին մէջ դժկամակութիւն մը զգաց, ոչ ըրած բարեգործութեանցը վրա զղջաց, և ոչ բնաւ արտունջ մը բերնէն հանեց. այլ ամեն բան Աստուծոյ կարգադրութենէն ըլլալը զիանալով յօժարութեամբ յանձնուեցաւ ըստ ամենայնի անոր հրամանացը: Ասոնք և ասոնց նման շատ մը օրինակներ՝ սուրբ գրոց մէջ ըստ զիպոց յիշուած չեն, հապա մեր կրթութեանը համար գրուած ըլլալով մէկ կողմանէ անոնց վրա զարմանալու ատեննիս, միւս կողմանէ՝ երբոր առիթը հանդիպի, համբերութիւն սորվելու համար, անոնցմէ՝ հնարաւոր եղածին չափ օգուտ քաղելու ենք:

Այս համառօտ խորհրդածութիւնները բաւական համարելով վերջ տանք այս մեր ճառին, որ թէ և այլ և այլ նիւթերու վրա տարածուած է, բայց և այնպէս առարկայն մի և նոյն է, և անկէց հանելիք պտուղնիս մէկ բանի մը վրա կամփոփուի, որ է

Աստուածային նախախնամութեան մարդասիրութեամբ ի գործ դրած այն կարգադրութիւնը և ինտանակալութիւնը, որ աշխարհքիս ամէն դէպքերը իր նպատակին կուղղէ, և այն դէպքերէն օգուտ քաղելու զողներն՝ իրենց համար սահմանուած մշանջնաւոր վախճանին կառաջնորդէ:

Ի վերջ բանիս, նպատակնուս ամփոփումը առաւել ևս պնդելու համար, մեր նուիրական պաշտաման պարտուցը համեմատ՝ մէկ անգամ մը ևս մեր վշտացեալ սրտին գորովազին ձայնը, ներումն ըրէք՝ որ ձեզի ուղղենք, ինչ կարգի և ինչ աստիճանի մէջ այժմս գտնուիք՝ դուք՝ որ երբեմն մեր պատուական եղբայրներն և սիրելի որդիքներն էիք, մէջերնիս բնաւ խտրութիւն չըլլալով մէկզմէկ կը մխիթարէինք և կըսփոփէինք, և իրարու կ'օգնէինք, և մեր զթած Մօրը Ս. Այոս Մարիամ Աստուածածնայ հովանաւորութեանը տակ՝ Ս. Եկեղեցիներնուս մէջ՝ սեղաններու առջև՝ դոհ սրտիւ և միաբան հոգևով միաձայն մեծին Աստուծոյ զովութիւնն և օրհնութիւնը կ'երգէինք, դուք ժամանակէ մը ի վեր մեզմէ հեռացած, Ս. Եկեղեցիներնուս մէջ ձեր աթոռները անհետ եղած և ձեր նստարանները թափուր մնացած, դուք հիմակ ս'ըր էք, ո՛ր տեղեր կը գտնուիք. մեզմէ զատուած, մեզմէ հեռացած, ինչու տրտում կը թողուք այս բարի հօտը: Փարսխէն ելած, հօտէն բաժնուած դառնուկին կարօտովը՝ հետքը դիտելով՝ լեռներ, ձորեր, անշէն ամայի անապատներ զանի վնասուելու ելած սրբտակէզ հովուին նման՝ հեռաւոր երկրէ և տարաշխարհիկ պանդխտութենէ վազեր եկեր եմ զձեզ փրկատընելու, զձեզ դարձեալ այս փարսխը հրաւիրելու՝ ո՛վ Աստուծոյ Միածնին անգին արեամբը գնուած թանկագին եղբայրներ: Մինչև ցե՛րք փարսխէն հե-

ուս կենալով մեր սիրտը պիտոր ճմլէք, այս բարի հօտը ի սուգ համակէք, և բոլոր մեր եղբայրները տրամուծեան մէջ թողուք: Անհնար է որ այս ձեր առանձնացած և չփոթ վիճակը զձեզ իսկ գոհ ընէ, և ասանկ մնալով՝ կարող ըլլաք մէկզմէկ մխիթարել և իրարու օգնութեան հասնիլ: Չենք կարծեր՝ որ նոյն իսկ դուք համադուած ըլլաք՝ թէ այդ ձեր գտնուած անտեղի պայմանը՝ կարող է ձեզի հոգեոր և կամ մարմնաւոր բարեբաղդութեան և երջանկութեան առիթ ըլլալ: Չեր բարեբաղդութիւնը և անդորրութիւնը այն ատեն միայն կրնաք ձեռք բերել, երբոր Ս. Եկեղեցւոյ պարտ ու պատշաճ եղած հպատակութիւնը մատուցանէք և անոր հետ միութիւնը արդիւնաւորէք: Ահա այս է մեր փոյթը և ջանքը: Այս է նաև բոլոր հաւատացելոց Քերազոյն Հօր՝ Սրբազան Քահանայապետին ակնկալութիւնը և փափաքը: Դուք անոր այս ջանքն ու փոյթը՝ արդէն շատ անգամ ձեզի բրած հայրական հրաւերքներէն՝ իմացած էք: Անանկ որ՝ ասով միայն, թէ նոյն Ս. Հօր վշտացեալ սիրտը կը մխիթարուի, և թէ մեր ու բոլոր հօտիս գոհութիւն կը պատճառի: Պօշոս Առաքելոյն հետ կը համարձակիմ զձեզ ապահովելու՝ որ մեր նպատակը այս է միայն, «զի ընտրեաց զմեզ Աստուած ի սկզբանէ ի փրկութիւն սրբութեամբ հոգւոյն և հաւատովքն ճշմարտութեան»: Այս է մեր միակ բազմանքը. մարդկոյնն նկատմունք կամ մտածմունք մը չունինք. յաւիտեանական մտածութեամբք զբաղելով՝ ժամանակաւոր նկատմունքները և մտածմունքները մեր առջև բնաւ արժէք մը չունին. մեզի համար ոչինչ են անոնք:

Մն ուրեմն, Սիրելիք, մեր խօսքին վրա վստահ ըլլալով՝ անօգուտ ակնածութիւնները և անհարկաւոր գժուարութիւնները՝ եթէ կան, քաջութեամբ մէկզի

ըրէք: Մարդուն ամենէն մեծ յալթութիւնը՝ իր անձին իշխելով զանիկա զսպելն է. և Քրիստոնէին փառքը՝ իր փրկութիւնը ապահովելու համար՝ անտեղի մը տածմունքները մէկզի ընելով՝ անարժան կրքերը մահայնելն է: Ահա այս կերպով՝ ձեզմէ քանի՛ քանի անձինք, յաւիտեանական վարձուց ակնկալութեամբ և Ս. Եկեղեցւոյ քաղցր և շահաւէտ կարգաւորութեանցը համեմատ ընթանալով՝ այս պատուոյն արժանացան, և հիմակ մեզի հետ մէկտեղ Ս. Եկեղեցւոյ մէջ՝ մեծաւ գոհութեամբ՝ Աստուծոյ փառք, պատիւ և շնորհակալութիւն կը մատուցանեն: Եթէ դուք ևս կուզէք այս պատուոյն արժանանալ, անիկա՝ ձեր անկեղծ վստահութենէն կախուած է: Անգամ մը արիութեամբ ձեր անձանց բուն ընելու ըլլաք՝ մեր ձեռնառութեամբն ևս՝ կարող կըլլաք ամեն գժուարութիւնները դիւրութեամբ լուծելու: Այս է մեր ձեզմէ ըստպատճը, և այս է զխաւորաբար այսօր Ս. Սեղանոյն առջև մեր աղերսն ու աղաչանքը առ Բարձրեալն Աստուած:

Ի վախճանի՛ Պատուական Եղբարք և Սիրելի Ժողովուրդ, միւսանգամ ձեզի դառնալով՝ այս նուիրական տօնախմբութեանս ատեն, ամենքնիս միաբան՝ եռանդազին սրտիւ աղերս մատուցանենք բարեբարին Աստուծոյ, որ երբէք որ և իցէ բարիք անվարձ չթողուր, որպէսզի ազդեցութիւն և զօրութիւն շնորհէ ճառիս առաջարկութեանը, և զմեզ արժանի ընէ այն երկնաւոր առատաբաշխ օրհնութեանը, զոր բոլոր հաւատացելոց հասարակաց Հայրը Սրբազան Քահանայապետն Պիոս Թ. իրեն՝ ողջոյն հրաժեշտի տուած ատեննիս՝ մասնաւոր կերպով յանձնեց մեզի, և զոր՝ Մնոր սուրբ ազօթքովը՝ ողջամբ մեր Աթոռը դառնալով՝ այս շքեղ հանդիսութեանց առթիւը կու-



տանք ձեզի նոյն հայրական սրտի զեղմամբ, որով ինքն  
Սրբազան Քահանայապետն շնորհեց զայն ամենուգ-  
էբբ հաւատօրէք իր ձեր վրա ունեցած դոհութեանն և  
հաճութեանը, և իբր ի դրաւ և յառհաւատչեայ ան-  
վախճան վարձուց, զորս Ս.Մենուղորմն Ստոււած իր  
անհուն գլխութեամբը սրատրաստեր է անոնց՝ որոնք  
բոլոր սրտանց զինքը կը սիրեն, հաւատարմութեամբ  
իրեն կը ծառայեն, և իրենց կենաց մինչև վերջին  
վայրկեանը՝ բոլոր զօրութեամբ զինքը դոհ ընելու  
կը ջանան:

Տուեալ ի Կաթողիկոսարանի մերում ի Բերա  
Կ=Պօլիս Յասի Տեառն 1876. Գեկտեմբեր 25.  
Մեր Կաթողիկոսութեան Տաներորդ Տարին:

ԱՆՏՈՆ ՊԵՏՐՈՍ Թ.

Պ. Կ.



Printed in Turkey

Printed in Turkey

4280



